

UGOVOR
Br: 0602-2127-18/20
o nabavci građevinskog materijala

UGOVORNE STRANE:

UGOVORNI ORGAN: KJKP „POKOP“ d.o.o. Sarajevo, Mula Mustafe Bašeskije 38, kojeg zastupa Direktor, Goran Cerić (u daljem tekstu: Ugovorni organ)
ID broj: 4200119040004; Porezni broj PDV: 200119040004;

DOBAVLJAČ: „PENNY PLUS“ d.o.o. Sarajevo., ulica Igmanska bb, kojeg zastupa Direktor Almedin Kadrić (u daljem tekstu: Dobavljač)
ID broj: 4200162210002, porezni broj PDV: 4200162210002.

UVODNE ODREDBE

Član 1.

Ugovorne strane sklapaju ovaj Ugovor na osnovu provedenog postupka javne nabavke – Otvoreni postupak za dostavljanje ponuda broj 0602-2127-2/20 od 12.06.2020. godine - nabavka građevinskog materijala, Odluke o odabiru najpovoljnijeg Dobavljača, broj 0602-2127-15/20 od 14.07.2020. godine i prihvaćene ponude Dobavljača broj 0602-2127-10/20 od 08.07.2020. godine koji je sastavni dio ovog Okvirnog sporazuma.

PREDMET UGOVORA

Član 2.

Predmet ovog Ugovora je sukcesivna isporuka robe, odnosno nabavka građevinskog materijala, a prema prihvaćenoj ponudi dobavljača sa specifikacijom roba, koja čini sastavni dio ovog Ugovora.

Količine naznačene u Ponudi su orjentacione i Ugovorni organ zadržava pravo odstupanja od količina navedenih u prihvaćenoj ponudi, u zavisnosti od svojih potreba.

UGOVORENA CIJENA

Član 3.

Ugovorena cijena za nabavku i isporuku robe iz člana 2. ovog Ugovor iznosi:

Cijena roba koja su predmet ovog Ugovora bez PDV-a iznosi	51.300,00KM
PDV na ponuđenu cijenu roba iznosi	8.721,00KM
Cijena roba koja su predmet ovog Ugovora sa PDV-om iznosi	60.021,00KM

PLAĆANJE

Član 4.

Ugovorni organ će plaćanje cijene iz člana 3. ovog Ugovora izabranom Dobavljaču izvršiti u roku do 60 (šezdeset) dana nakon prijema uredno ispostavljene fakture za isporučenu robu, na transakcijski račun naznačen na fakturi.

Dobavljač je dužan izdati/sačiniti fakturu u skladu s odredbama pozitivnih propisa, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

ROK ISPORUKE

Član 5.

Dobavljač se obavezuje da će isporuku robe definisane članom 2. ovog Ugovor vršiti sukcesivno prema potrebama Ugovornog organa na adresu ul. Vlakovo bb, Sarajevo (skladište KJKP „POKOP“ d.o.o. Sarajevo – groblje „Vlakovo“), u roku od 5 (pet) dana od momenta prijema pismene narudžbe.

UGOVORNA KAZNA

Član 6.

U slučaju kašnjenja u isporuci roba do kojeg je došlo krivicom odabranog ponuđača isti će platiti ugovornu kaznu u skladu sa Zakonom o obligacionim odnosima u iznosu od 1‰ naručene robe za svaki dan kašnjenja do urednog ispunjenja, s tim da ukupan iznos ugovorne kazne ne može preći 10% od ukupno ugovorene vrijednosti robe koja je predmet narudžbe.

Odabrani ponuđač je dužan platiti ugovornu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovornu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao utjecati, niti ih predvidjeti.

Ukoliko Dobavljač na bilo koji način neuredno ispunjava preuzete ugovorne obaveze, a naročito u pogledu kvaliteta, kvantiteta robe i utvrđenih rokova Ugovorni organ, ima pravo raskida Okvirnog sporazuma i pravo da o trošku Dobavljača ustupi posao drugom Dobavljaču sa pravom naknade troškova uvođenje novog Dobavljača koa i pravo na naknadu mogudeg nastanka štete zbog neispunjavanja Ugovorne obaveze.

GARANCIJE

Član 7.

Dobavljač je dužan da u roku od 7 (sedam) dana od potpisivanja ugovora dostaviti neopozivu, bezuslovnu, originalnu bankovnu garanciju za dobro izvršenje ugovora na iznos od 10% (deset procenata) ukupne ugovorene vrijednosti svakog pojedinačnog ugovora , plativa na prvi poziv sa rokom važnosti po isteku dodjeljenog ugovora.

U slučaju da Dobavljač u pomenutom roku ne dostavi bankovnu garanciju, ovaj će se Ugovor smatrati ništavim. Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem, i sl.) jer probušena ili oštećena garancija se ne može naplatiti. Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni ugovor će se smatrati apsolutno ništavnim.

OSNOVNE OBAVEZE DOBAVLJAČA

Član 8.

Pored obaveza predviđenih važećim propisima, Dobavljač je posebno dužan da isporuku iz člana 2. ovog Ugovor izvrši stručno i kvalitetno, u svemu prema datoj Ponudi.

Član 9.

Dobavljač nije ovlašten da zaključuje podugovore sa drugim licima s ciljem realizacije ugovornih obaveza bez prethodnog pismenog odobrenja Ugovornog organa.

OSNOVNE OBAVEZE UGOVORNOG ORGANA

Član 10.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 4. ovog Ugovor).

RASKID UGOVORA

Član 11.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne isporuči robu kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovor ugovorne strane su saglasne da ni jedna strana drugoj neće dugovati nikakvo obeštećenje niti nadoknadu i da će u svemu izmiriti međusobne obaveze.

RJEŠAVANJE SPOROVA

Član 12.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješenje spora nadležan je sud u Sarajevu.

ZAVRŠNE ODREDBE

Član 13.

Ugovorne strane su saglasne da sve što nije regulisano ovim Ugovor primjenjuju se važeće odredbe Zakona o obligacionim odnosima.

Član 14.

Ovaj Ugovor stupa na snagu nakon obostranog potpisivanja od strane ovlaštenih lica ugovornih strana i zaključuje se na period od 12 (dvanaest) mjeseci, počev od dana potpisivanja istog.

Član 15.

Ovaj Okvirni sporazum je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka, a ostala 2 /dva/ Dobavljaču.

Ugovorni organ

KJKP „POKOP“ d.o.o. Sarajevo

izv.dir. Asmir Hodžić

Direktor, Goran Cerić



Dobavljač

„PENNY PLUS“ d.o.o. Sarajevo

Direktor, Almedin Kadrić



Broj, 0602-2127-18/20
Sarajevo, 03.08.2020. god.

Broj, PPS-F-1A-50 115/2020
Sarajevo, 04.08.2020 . god.